



Tìgh Mór an Dealain aig Lochan an Stòir anns an Eilean Sgiathanach. Tha còrr agus sia ceud ceum a' dol sìos bho mhullach a' bhràighe chun an tìghe.

## Suil mu'n Cuairt

le

ALASTAIR BORTHWICK

á Diùraidh

**O** CHIONN dà latha chunnaic sinn bàta faire an iasgaich a' seòladh troimh 'n chaolas, agus anns a' mhaduinn an dé chuir i Rùnaire na Stàta air tìr aig a' cheadha ùr chosgail againn. Fad thrì uairean an uaireadair bha e aig a' choinneimh àbhaisteach de ar luchd riaghlaidh agus ri ar n-uaislean—gach aon ag iarraidh ‘Neamh’ a dheanamh de’n eilean agus sin ann an cóig mionaidean, agus an sin thog e-fhéin 's a chuideachd orra. Ri linn na coinneamh a bh'ann, tha dòchas gun cuirear obair coille—obair bheag math dh'fhaidte—air chois mu chladaichean creagach Dhiùraidh.

Tha sinn toilichte agus mì-thoilichte. Thugadh dhuinn tairgse ach cha b' e an tairgse ris an robh sinn an dùil. Tha sinn de'n bheachd gum faodadh iad a bhith air tairgse a b'fheàrr na so a thoirt dhuinn. Air mo shon fhéin dheth, tha mi glé thaingeil gun d'fhuair sinn gealladh air leasachadh 'sam bith. Bu mhath leam an sgeul uile innseadh dhuibh, a chionn 's gum buin i do chor na rioghachd air fad, agus chan ann mar a shaoileadh sibh do aon cheàrnaidh a mhàin. Thòisich a h-uile dad a bh'ann 's a' cheàrnaidh leth-oireach sin far am bheil Comunn Earalachaidh na Gaidhealtachd agus Buidheann an Riaghaltais an Alba ag co-oibreachadh. Thug cuid-eigin